

# अष्टर गो'ब्ध

(व्यनथ तुँ लीलायि)



काशी नाथ बागवान



पिता श्री वासुदेव जी    तुँ    माता श्रीमति वे'शि मॉली

हुँन्दि नॉव्य समर्पित

कलम, मन, प्राण छुत छुम में तुहुंदुय!  
शरीरुक अंग-अंग जुव-जान तुहुंदुय॥  
जन्म छुतवोम बे'यि कांह कति बुँ ज़ानन।  
यि केंछा छुम सोरुय छुम में' तुहुंदुय॥

(बागवान)



# अछर गो'ब्ध

(व्यनथ तुँ लीलायि)



काशी नाथ बागवान

किताबि हुंद नाव

अछर गो'न्द

शौयिर

काशी नाथ बागवान

छापन वॅरी

2001

तेदाद

500

मोल

50 रुपये

छापखौनु

आर. सी. सी. रेहाड़ी, जम्मू।

पे'ठयुम वरुक

प्यारे लाल सुदेशी

® (सॉरी हकूक छि महफूज)

किताब मेलनुक पय

१. नागराद अदबी संगम जम्मू
२. R.K. Raina, Advocate, Muthi, Near Church, Jammu.

## ग्वडुँ कथ

यथ असार रूपी संसारस मंज छि स्वख तँ दुख वारुँन्य । अकि जमानुँ ओसुस वुँ संसारक्यन स्वखन मंज मस गँछिथ संसारुक सरुफ जनतुँ रज मानान । भगवानन को'र मे' अकि विजि अनुग्रह ये'मि सूँत्य मे' अँछन प्यठ प्योमुत मायायि हुंद परदुँ थो'द वो'थ । शामन ओसुस असान गिंदान तँ सुवहस ओसुम नुँ त्रेश च्यो'न क्युत कतरिव वानुँ । वॉय-बंद, अंग - आँशनाव यिहुंद मे' डो'ख ओस रूद्य मे' कुन थर फिरिथ । ओरुँ-योरुँ निराश गँछिथ प्योम भगवानुँ सुंदिस मातृ रूपस याने माजि भगवैति पान पुशरावुन । व्यनथ कँरमस :

वॉय-बंद तँ रिशतुँ सोरुय ह्यो'न-द्युन छु चँदुँ वांदव !

अथुँ यिनुँ मे' जांह चुँ त्रावख, त्राव्यम अगर जमाना !!

माजि हुंद मन छु कोमल । युस सन्तान तस परन तँ शरन गछि तस छि स्व पनुन दामन प्यटुँ त्रावान तँ अथुँ रो'ट करान । मे' ति कँरुँन दया दृष्टी । चिहिस मंज कोसनम द्रख तँ स्वख द्युतनम । अँम्य चमत्कारन द्युत म्यानि श्रद्धायि तँ बखती पोछर ।

लोलुँ तँ प्रे'यमुँ रो'स क्या ह्यकव अँस्य दयस योरुँ दिथ । मे' दो'प जाफुर्य तँ पंपोश, लोलुँ पोश तँ भावुँ पोश या बे'यि कुनि कुँस्मुँक्य पोश छि आँखुर पोशी । केह काल गँछिथ तँ हखि । अशि वानि ते'य सग दिमोस तँ हचि । त्यहजा बनौव्य मे' अछरन गो'न्ध तँ कँर्यमस पेश । यिम न हखन तँ नुँ हचन ।

अछर गो'न्ध छि त्वहि ति पेश । खबर छम नुँ कथ हदस ताम बावजी त्वहि मगर विशवास छुम जि युस यि श्रद्धायि तँ प्रे'यमुँ सान परि तस करि भगवान मनोकामना पूरुँ । द्रख कौंसिथ दियस प्रथ कांह स्वख तँ आँखरस प्यठ परमार्थुक आनंद ।

काशी नाथ बागवान





## तारुफ

कौशी नाथ बागवान' छु बखित भावनायि हुँजु वतुँ गारान ।  
 अँमिस छि लोलुँ वानुँ वँर्य - वँर्य । यि छु तमि कौशरि मे'चि हुँजु ब्यव  
 ह्यथ यथ मंजु स्वछि काल, वहाव खार, शामस फकीर, परमानंद तुँ कृ  
 ष्ण जुव राजदान सहस्रातु डलस डुंगुँ औस्य दिवान । यिम सौलिक औस्य  
 परमुँ दामुँच हकीकत बदि कँडिथ परमास्थान प्रावनुँच कल गँनिरावान तुँ  
 यिहोय हाल छु बागवान सौबुन ति । यि छुनुँ तगनगरी हुँनद्य वल तुँ छल  
 अजमावान तुँ नुँ वरतावान । बैलिक कुनि इबहामुँ बगौर शो'द तुँ साफ  
 जवान वरतावस मंजु अँनिथ शखती स्वरुप गुरु महाराजस तुँ परमुँ  
 शिवस पूजा करान । हालांकि कुनि-कुनि जायि छि अँम्य सुँजुन तारकीवन  
 मंजु (Craftsmanship) जखमी सपदान । मगर यि छु नुँ अम्युक गम  
 ह्यथ तिक्याजि अँहंजन नजरन मंजु छु जगत अंबायि हुंद श्री ब्रक  
 क्लेडसकोपुँक्य रंग बदलान । ये'मि किन्य यि मेँस्ती हुंद आभास छु  
 हौंसिल करान तुँ बाकुँय लवौजिमातव निशि पान मुछि करान ।

अँम्य सुँद्यन शोकल स्मन छु शैव नाथ सुँन्दि प्रकाश स्वरूपक  
 आवास वारुँ-वारुँ काड़ कड़ान तुँ यि छु अनि गटि मंजु गाशस कुन  
 पकनुँच कल करान तुँ वनान :-

शिव नाथुँ गाशुर छिहम अनिगटे !

जटे वुँ लागय पेश !!

अँम्य सुँदिस कलामस मंजु छुनुँ अहद ज़रगरुन ह्य सुँह प्रजुन  
 बलिक सूर दासुँन्य पौट्य खद सुपदगी हुंद एहसास वुँजुनौविथ साधनायि  
 हुँन्दिस रंगुँ यैन्दरस खौरिथ सतुँ सौव्य पन अबसावान :-



आमूँ खसन दूर त्रोंविथ पूरूँ चेंदरम वुछनि द्रास ।

चास औबरस मंज तूँ रोवुस दूर गट्टे ज़ांह कॅर्य ज़िहे !!

अमिस छि नज़रन हूँध ठॅर्य चॅलमित्य तूँ यि छु शखती स्वरूपी  
भगवैती हुद्यन चरनन मंज अहं मॅशरोंविथ ज़ांनुं मार्गस भावनायि कोसम

अर्चन करान :- मे' वोल् शानव प्यठय बोरुय !

मे' पुशरुय पान च़े'य सोरुय !!

मे' कीवल चोन छुम चिकुँचाव !

ज़गत माता मे' दर्शुन हाव !!

यि छु नुंटे रे'शनिस यथ दॅविस पूरूँ अमलावान :-

“क्रया कॅर्याजि गुपित पान” !!

तूँ बागवान वनान :- हावुन तूँ सीर बावुन !

पॅज्य पौट्य छु रावरावुन !!

पज़िहे मे' चूरि थावुन !

खॅट्य-खॅट्य सु ललुँनावुन !!

अगर बागवान सौब अमी त्रायि भावनायि हुंदन छट्टेमारवुँन्यन  
प्रकाशि थानन वॅन्य रूद दिवान, मुम्किन छु यि मुचरावि अकि दो'ह  
सिरयत क्यन गैन्जीनन वर। यि छु आला हॅकीकतस प्यठ यछ तूँ पछ  
थावन वोल् भक्तिज़न। यु छु मौर्यकतुँ किस बिंदरावनस मंज रास  
गिंदान। कांह बॅड कथ छैनुं ज़ि धि लबि अकि दूह साक्षात्कारुक  
मॅन्ज़िल।

मोहन लाल आश



## पछ तू प्रापथ

धार्मिक यछ-पछ या मजहबी अकीदथ छे' नुँ अलांघन थफ बल्कि छि यि अख मजबूथ रज यथ थफ कॅरिथ इन्सान ये'मि भवसागरुँ तार छु लवान। यि संसार छु लवान। यि संसार छु दूखु गरुँ, इन्सान क्या ति कॅर्यतन दूखव निशि म्वकजार लवुन छु नुँ मुम्किन। बकोलि गालिबः

गम हसती का 'असद' जुज मर्ग हो किस का इलाज।

शमा जलती है हर रंग में सहर होने तक।।

ये'तिच दवलथ, शान-शोकथ, शोहरथ गर्ज प्रथ कांह चीज छु अदो'र तू नुँ रोजुवुन। यि छि स्व' कूफयथ जि अगर इन्सान अँथ्य मंज ह्यनुँ आव से हे'कि नुँ कुनि ति रंग जुविथ। अवय छे' दयि सथ जिंदुँ रोजनुँच वथ हावान। आगरुँ निषि पनुन पान अलग थावुन छु व्यखचार। पान छे'पि धुन तू तन-बुँ-रजा रोजुन छु सु कारामद नो'सखुँ युस सान्यन सारिनुँय दूखन हुंद दरमान छु।

जिंदगी छे' बजाति खद अख अछूयावुन तलाष। सँही तू स्यो'द वथ सँरु-खँरु करनुँ बापथ छु लोल, बखती, श्रद्धा तू इष्क जादि राह। दुनयाँवी चीजन हुँज आगोही हे'कि मुखतॅलिफ अॅलिम हॉसिल करनुँ सूँत्य सपदिथ मगर थथरि नारस व्वठ लायिन्य तू व्वंदुँचि अँछ मुचरनुँ यिनि छे' नुँ सहल कथा। अथ कथि हे'कि नुँ कांह इन्कार कॅरिथ जि यि प्रावनुँ खौतरुँ छु सोरुय मँषरावुन प्यवान तू पनुन मौर्यमो'न्द माशोक त्वलि लॅलुनावुन छु ज़रुरी। काम, क्रूध, लूब, मुह तू अंहकार छि अमि वति हुँन्द ठॅर्य यि नहनोंविथ नाहकस लथ दिथ, तमहस हो'ट चीरिथ

रुमुँ-रुमुँ, दग ललुँनावुँन्य छि बे'न्यर मिटौविथ यकसान सपदनुक मूलुँ  
मनधुर ।

ग्वडुँ-ग्वडुँ छु इन्सान यि अख सँहरौव्य सदा बासान तुँ रावन  
त्यो'ल छुस थथरि खारान मगर जहरस दाम दिथ छुस द्यठव्यन  
मेठान । खयालन वुफवार तुँ नजरन छुस वुसजार मेलान । पननि पानुक  
वो'न रौविथ छुस लोलुँ नार तमि आयि तेजान जि दूरिरुँक्य परदुँ छि  
देजिथ प्यवान ।

अकुँल छे' र्वखसत ह्यवान तुँ व्वंदुँचि बे'षमुँ छे' चेनुन ह्यवान ।  
बकोलि डा. इक्बाल :

बे खतर कूद पड़ा आतशे नमरुद में इष्क !

अक्ल थी महवि तमाशा बे लब वाम अभी !!

मन यामथ नूरुँ सैर्य छु गाछान बे' स्वख काव छु स्वख प्रावान  
तुँ ख्वखुँर्य आलव मँषरौविथ कथताम बदलुम्य हँकीकतस मंजु षुमरिथ  
वैचिथ वौलिजि बोलुन ह्यवान तुँ कौवु टाव-टाव छु कुक्लि वनवुन बनान ।  
रतुँदौव्य जखमन छु अंग खसान तुँ मनुँ, पोषन छु सोसन्यार चलान ।  
विज छि वोलान, ज्वन फांफलान तुँ बौवच छे' गे'न्य नेरान । युथुय यि  
चैन्दरायन छु मँदरान ज्यव तुँ कलम छि हम नवा सपदिथ अँकिस  
फनकारस जन्म बखशान । बौस लो'चुरावुन सुति तिथुँ पौट्य युथ बे'यिस  
खवष यियि तुँ हिरि वसि छु नुँ हालि गिंदुन बल्कि खूनि जिगर चांग्यन  
जालुन युथ ज़न अथ फनवारस कबूलि आम सपदि । बकोलि स्व. साकी  
सौब, 'कौषरि अदबुँच बुनियौदुय छे' धार्मिक मोजुअन प्यठ खँचमुँच ।'  
अवय तुँ छु प्रथ कांह षौयिर कुनि नतुँ कुनि रंग यिमन मोजूअन ललुँ  
खल करान ।



काषी नाथ जी 'वागवान' ज्ञानन वुँ स्याटा कालुँ प्यटुँ ति क्याजि  
 अँस्य अँस्य अकिसुँय ज़िलस मंज रोज़नुँ अलावुँ हम पेधि ति ।  
 वागवान सॉब युस ज़न ग्वडुँ प्यठय धार्मिक श्रद्धायि तुँ वखति बावस  
 लोर ओस कति हे'किहे अमि वति पकनस पथ रूजिथ । तैम्य ये'लि  
 दुहुँल्य अनिगो'ट महसूस को'र तस लैज एहसासन जीर तुँ जज़बन  
 वुतुँश । ह्यसागही ह्यो'त अँन्दरिमिस सिरस अँज्य-मँज्य गैछिथ मनुँ  
 सो'दरस ज़ोल ह्युन । अमि शोक्कु सहरावुक वतुँगथ लो'ग दयि पछि  
 ब्रोंहकुन पकनि तुँ त्यंवरि नचुन वुछिथ ह्यो'तुन मनुँ सँदसर मनथन  
 करुन तुँ अति च़रचुन, च़ितरुन तुँ च़्यूनुन तुँ ये'लि तमिच बावथ कँरुँन,  
 अँथ्य बाबँच थो'वुन "अछर गो'न्ध" नाव । अज़ताम छि वारयाहव  
 ग्वनमातव पनन्यन बावुँ अछरन हुँजुँ मालुँ पर्म शिवस तुँ शखती नौल्य  
 त्राविमचुँ । वागवान सॉब ति यि पननि श्रद्धायि, बावनायि सूँत्य लोलुँ  
 सँचन अछर गो'न्ध वनौविथ परमुँ शीवस तुँ शखती अरपन कर्यमित्य ।  
 रूयवायती अंदाज़स मंज छि अँम्य ति ग्वडुँ गणेश असतो'ती कँरमुँच तुँ  
 अमि पतुँ ग्वरुँ वखती । अँम्य ति छु ग्वर वतुँहावुक ज़ोनमुत तुँ ग्वरस  
 आशीर्वाद मो'न्गमुत । यिमन लीलायन मंज छु वचनुक रूयवायती अंदाज़ ।  
 कँशरूयव ग्वनमातव छु ग्वडुँ प्यठय शीवस तुँ शखती लोल वो'रमुत तुँ  
 वागवान सॉब किथुँ कनि रोज़िहे अमि निशि लो'व । सु छु ये'छि-पछि  
 वनान :

मे' आमुत लोलुँ बानन छाव !

जगथ माता मे' दर्शुन हाव !!

ये'लि दयिगथ डींशिथ दिल शाद छु सपदान बँखुँत्य छू परमुँ  
 आनंद प्रावनुँ खौतरुँ पनुँन्य ज्यथ परमुँ शीवस पशुरावान तुँ आबुँ ज्वय  
 छे' सँदरस नाद लायान :

लोलुं आलव छुस वुंलायान !

क्याजि छख नुं मौज वोजान !!

रठ मे' पननिस दामनस तल !

ने'श ब्वद छुस वुं वागवान !!

शखती वरौय छु नुं शिव सुंद तस्सवुर मुम्किन तवय ति छि विष्णु, ब्रह्मा तुं सौरी दीवता परमुं शखती हुंज सुमरन करान । शखती हुंज पूजा छि मुखतलिफ नावव यिवान करनुं । यि छि रोगनया, लंखिमी, तुं सरसो'ती यिम सौरी नाव छु बागवान चामंडा भगवती हुंज असतो'ती करनुं विजि वरतावस अनान ।

बागवान छु ज्ञानान जि यिम सौरी छि परमुं शखती हुंज ग्वन । केशीर छे' रे'श वौर तुं रे'शव छे' यि वौर लोलुं सगुंनौवमुच । अति छि जायि-जायि अस्थापन, असतान तुं शुच जायि । बागवान सौवन ति छु यिमन जायन हुंद तक्कदुस ज्ञानिथ यिमन लोल तुं माय वैरमुच । तुलुंमुल, ईशिवर, खनुंवरन बेतरि हिशि जायि छन त्वलि ललुंनौविथ पनन्यन लीलायन मंज शेलुं नाविमचुं :

१. मौज मस प्यालुं बरय = तुलुं मुलि पेश करय !

२. शीशि नागुं दितिथ तस मटि मटे ।

जटे वुं लागय पोश ।।

३. दीवसरुं खनुं बरन्यन !

लोलुं थरि पोश फवलन !!

‘दयि माययि जयकार’ लीलायि मंज छु बागवान दुनियिहचि वे सवौती हुंजु वारयाह मिसालुं पेश करान मगर तोति छु नुं ना ब्वमेद गछान बैत्कि छु यि सोरुप दयि हुंज माया ज्ञानिथ मक्कमल सुपर्दगी



(Total Surrender) हुंद मुजोहिरु करान । साकारस बावुं पोश अरपन  
 कैरिथ, हालि दिल बाँविथ, वीलुं ज़ार वोज़नोविथ , संपदा मँनिथ ये'लि  
 बागवान मँसती हुँन्दि स आलमस मंज़ गरक छु सपदान बे' वायि छु  
 निराकारस दीदु वंदान । तू पनुन न्यर्मल मन तसुंद ठिकानुं जँनिथ शौद  
 वरान तस ज्ञानुं न्यैथुर मंगान । तस छि पछ जि अज्ञानुं गो'ट हे'कि  
 महज प्रकाशि सूँत्य दूर गैछिथ तू मुकती हुँन्द्य दरवाजुं ह्यकन ते'ली यलुं  
 गैछिथ ये'लि चंराचरस मंज़ सु सर्व शक्तिमान दीदमान गछि :-

कालुं रात्री छुख गदुं चुँय कासान ।

ओंकार रूपुं प्रकाश वासान ॥

सर्व शक्तिमान छुख चुँ बँड शखती ।

ओरत्यन, सन्तन दिवान मुकती ॥

कौशुर रे'श कलचर युस ज़न बागवानस ज़न्म ह्यनस सूँती ओस  
 बागि आमुत छु तस अज़ति वयिवुन तू प्रयिवुन । सु छु नुं कुनि तोसबुक  
 शिकार । ब बांगि दो'हल छु वनान :-

शंखस अंदर ओंकार चुँय ।

छुख बांगि मंज़ इज़हार चुँय ॥

बकोलि बागवान, “तैमिस क्या गम ये'मिस रोज़ख सहायक ।

छि कामयोंबी तैमिस मेलान बेशक ॥”

अवय छे' मे' पछ जि यिम लीलायि तू भजन लवन मकबूलियथ  
 तू वैखत्यन हुँन्जुं मनुं कामनायि तू यछयि पूरुं गछनुं बापथ बनन  
 अखरुत तू नुंदुबोन वँसीलुं ।

जे०एन० सागर

मुठी

## बागनय

1. ओं श्री गणेशाय नमः 1  
ग्वड्डु आड्डु दीवो पान चै'य वुँ पुशरय,
2. श्री गौरे नमः 2  
ग्वरुँ लगयो चान्यन चरनन ।
3. कर-कर प्योम द्यतस 4  
वैछ ये'लि-ये'लि मिजरावस खय,
4. ओं नमो भवॉनी 6  
लैव अज मे' थापना चॉन्य
5. ओं नमः जगत माता 7  
गन्योमुत छुम मनस चोन वाव
6. मातयि हुँन्ज आरथी 8  
ओं जय जगत अंवे दुर्गा
7. ओं उमा दीवी नमः 10  
शरनागतस करतम दया
8. ओं उमा दीवी दया कर 12  
जगत माता कृपा सागर दयालु छख दया करतम ।
9. ओं चामंडा भगवती नम' 13  
करुँहा वुँ चॉन्य अज असतो'ती
10. माता ख्यमा कर 15  
चुँ छख अंवा महामाता
11. ओं माता पार्वती बोज 16  
शैहलाव हृदयुक नार सैती



12. ओं त्रपोर सुंदरी नमः 17  
लोलुं दारस अच्चावय
13. ओं नमों माता दया सागर 19  
चुं छख माता दया सागर ।
14. ओं माता चुं टोटतम 21  
शरन छुस वु आमुत आशी सानय !
15. ओं माता रखिपाल कर 23  
नाव चोन दीन दयाल
16. दयि मायायि जयकार 25  
पोशि वुन अनुग्रह छु चोन साये !
17. भावुं पोश तुलमुलि पेश करस 27  
मोज मस प्यालुं वरय
18. माजि करव साल तुं वनोस हाल 28  
जगत माता चुं यिख ना सोन !
19. असि रो'ट माजि हुंद दामनाय 30  
दीवी छु थो'द चोनय थानय
20. ओं माता अनुग्रह कर 32  
जायि-जायि चोनय थानय मोजे
21. ओं माता जौरु-पौरु बोज 33  
वंदरगाह आस नावकार
22. माजि कैंरुम गाव 35  
गोम यचकाल चे मे' प्रारान
23. ओं नमः शिवाय 36  
सरफुं ग्वसॉनिस वसमादारस !

24. जाने जहान बास्योम 38  
टोट शिवनाथ सौमी जाने जहान वास्योम
25. शिवनाथस जटि लागस पोश 39  
शिवुं नाथ गाशुर छुहम अनिगटे
26. शिवाय नमः ओं नमः शिवाये 40  
ओं शैव शंभू वो'लुस चानि माये !
27. हरि ओं तत सत 42  
महामन्त्र छु यि दिवान मूख्य अनुंकथ !
28. हे भगवानुं ! म्यानि व्यनती थव कन 44  
सीतायि हुंन्दि श्री रामुं अज व्यनती करय कन थादतम !
29. ओं नमो भगवते वासुदेवाय 46  
अनुग्रह छु दयि चोन जायि-जाये
30. मे' रेंट्य चॉन्य पंपोशि पाद 48  
दयि म्यानि दयि गथ हावतम रामो !
31. जय साई राम 50  
प्रथ दिजि पॅर्यतव जय साई राम !
32. ये'लि अक्रुरन न्युव मथरायि भगवान 52  
राधायि लोल आमय
33. श्री कृष्ण गोविंद हरे मुरारी 53  
मन म्योन राधा कति चे'य छारी !
34. ओं जय हनुमान 56  
हे हनुमान ! छुख च्युय ज्ञान सागर !
35. दयस प्रुछुम 59  
दयि छम गवाह चॉनी किताव !



## ओं श्री गणेशये नमः

ग्वडुँ आदुँ दीवो पान चे'य वुँ पुशरय,  
करतम मे' वुँय कल्यान ।  
सथ छुम मे' चॉनी बथ चँय मे' हावतम,  
दारय वुँ चोनुय ध्यान ।

आश छम चॉनी ही बखित वतसलुँ,  
गटि मंजु मे' हावतम पान ।  
नाश कर मे' पापन काम, क्रुद गालतम,  
दूर करतम अभिमान ।

गौरी सुपुत्रो जय-जय त्रे' न्यँतरो,  
गँजु म्वखुँ छुख शूवान ।  
छुख जन प्रिय ही ईशर पो'तरो,  
दीवता चे' छिय पूजान ।

बाह नाव चॉनी युस ज़न स्वरि स्वंदरो,  
तस छुख दिवानचुय ज्ञान ।  
क्रया हीनस मे' मनथुँर हीनस,  
दितुँ दयायि हुंद दान ।

हे वालु चेंदरो ! हे सर्व खंदरो !,  
जगतस चें कर कल्यान् ।  
पार्वती हुँदि खानुं मालि खंदरो,  
पादन मे' पुशरुय पान ।

नाव लेंज शाठस तुं किथुं वॉतु गाठस,  
मुशिकल करुम आसान ।  
ही दयासागर दासस दया कर,  
ने'श व्वद छुस वागवान ।



# श्री गौरे नमः

1. ग्वरुँ लगयो चान्यन चरनन ।  
 क्यथुँ वरनन करुँ ग्वन चोनी ॥  
 तीज चोन जालि अज्ञानुँ परदन ।  
 क्यथुँ वरनन करुँ ग्वन चोनी ॥
2. वति डलुँ मा वथ चुँय हावुम ।  
 तैम्पुसुँद्य सिर नैन्पु पौट्य वावुम ॥  
 चोन्य दृष्टी जुव दियि म्वरदन ।  
 क्यथुँ वरनन करुँ ग्वन चोनी ॥
3. मुह अंधकार छुखा चुँय गालन ।  
 यिथुँ नुँ लगुँ बो वालन तुँ छालन ॥  
 चेयेन दया अथुँ रो'ट हन-हन ।  
 क्यथुँ वरनन करुँ ग्वन चोनी ॥
4. जिंदगी म्योन्पु छय चे'य अथे !  
 रथि खारतम सत संगुँ वते !!  
 मन अरपन चान्यन चरनन !  
 क्यथुँ वरनन करुँ ग्वन चोनी ॥
5. ब्रामाह विशनु महेशर !  
 शिव रूप छुख चीदया सागर ॥  
 हुदयस मत्र फरदन फरदन !  
 क्युथु वननन करुँ ग्वनचानी ॥
6. छुख वीरुत चुँय मंज वीरन !  
 वौकुँफ छुख सीरन-सीरन !!  
 संसारस शूब चुँय वरदन !  
 क्यथुँ वरनन करुँ ग्वन चोनी !!
7. 'वागवान' छुख चमनस-चमनस !  
 ख्वशवु चुँय रंग चुँय वागस !!  
 गुल डींशिथ चे'य छी व्वशलन ।  
 क्यथुँ वरनन करुँ ग्वन चोनी !!

-----○-----

## कर-कर प्योम च्यतस

वैछ ये'लि-ये'लि मिजरावस खय,  
 लेंज ये'लि साज़स तारन रे'य ।  
 वागस मंज़ ये'लि बुलबुल चाव,  
 वखनय वनुँवान लोलुँच लय ।  
 वो'न ये'लि कू-कू कैर्य-कैर्य कुकिले,  
 वे'सये कुसताम कति ताम हय ।  
 काव, कुमिर्य, को'सतूर्य तय जल,  
 ये'लि हावान छिम लोल तुँ प्रय ।

हारि तुँ चरि ये'लि पिच-पिच कैरिथुय,  
 लायान ल्वति-ल्वति लोलुँक्य नाद ।  
 परमानंद परम स्वख म्याने,  
 तमि-तमि विजि मे' प्योहम याद ॥

गाशि तारुख ये'लि सुबहॉय-सुबहॉय,  
 जगतस दिनि आव गाशिच आश ।  
 व्वशल्योमुत ये'लि सिर्यि प्रवातन,  
 कासान गटुँ जो'ल दिथ प्रगाश ।  
 ईज़ द्वह थनुँ प्यथ ये'लि ज़न चेंन्दरम,  
 आसान वस अख ह्यंद व्यंद काश ।  
 कुनि विजि ये'लि ज़न वुजुँ मलन्यनेव को'र,  
 ओ'वरुँ नवस प्यठ गटि मंज़ गाश ।

कलुँ ठोस ये'लि - ये'लि पां चादरि ज़ांह  
 क्रख दिथ लोयुन सेंदरस नाद  
 परमानंद परम स्वख म्याने



तमि - तमि विजि मे' प्योहम याद ॥

स्वजलि ये'लि ज़न आकाशस प्यट,  
खसनुक सति रंगुं खे'त ज़ांह वोश ।  
श्रदायि हुँदिस सेंदरस मंज ये'लि,  
कुनि-कुनि विजि ज़न फो'ल पंपोश ।  
ये'लि यथ संसोर्यु से'कि मोंदानस,  
पेंक्य-पेंक्य पुलहारून छयो'न ओश ।  
ये'लि ज़न नवि सेंरु से'जिवति पकनुक,  
सनतव द्युत ये'ति लूकन होश ।

ये'लि ज़न दयि सुँज दय गथ डींशिथ,  
पानस गोमुत छुम दिल शाद ।  
परमानंद परम स्वख म्याने,  
तमि-तमि विजि मे' प्योहम याद !!

डेलुंकिस ऑनस हृदयस ये'लि ज़न  
पंपोशव वो'ल अँन्द्य-अँन्द्य नाल ।  
ये'लि निशातस मंज को'र कुनि विजि  
केंम्यताम अकि-अकि पोशन साल ।  
ये'लि पुनिम हुँज जून लेंज वुछिने  
डेलुंकिस ऑनस पननी चाल ।  
इशि वरि ये'लि ज़न ईशरस लॉज  
वेंखत्यव वावुंच जाफुर्यु माल ।

बागवानन ये'लि दिलुंकिस वागस,  
सत संगुं सग दिथ छोंडुन काद ।  
परमानंद परम स्वख म्याने,  
तमि-तमि विजि मे' प्योहम याद

# ओं नमो भवौनी

लेंब अज मे' थापना चॉन्य  
अथि ओय पनुन चे' सन्तान

अथि आम आसताना ।  
मे'ति लो'ब पनुन ठिकाना !!

.....

चॉन्य ब्राँदु कॅन्य तुँ ड्यकुँ म्योन  
प्रनाम करनुँ बापथ

अनुग्रह छु चोन हलम म्योन ।  
वेयीकती छुयूथ मकाना !!

.....

ऑसुँख तुँ आसवुँन्य छख  
वनतम मे' जिंदुँ चे'य रो'स

आसख चे' अंतमा छुय ।  
कति रोज़ि कांह ज़माना!!

.....

छख जूनी मंजुँ चूँ ज़ोतान  
छखय हनि-हनि चूँ व्यापख

सिरियस प्रकाश चोनुय ।  
पानय पनुन निशाना !!

.....

तखतस बिहुँथ चूँ बखतुँक्य  
मूर्ख मे' हूँ नुँ ज़ानान

अंबर छकान बॅखत्यन ।  
माया छे' मा बहाना !!

.....

यछा यी चॉन्य ज़गतस  
विज़ि-विज़ि मे' शूब अनतम

हनि-हनि छि शूबरावान ।  
रुत-रुत कॅरिथ बहाना !!

.....

बॉय बंद तुँ रिशतुँ सोरुय  
अथुँ यिनुँ मे' ज़ांह ची त्रावख

ह्यो'न द्युन तुँ चंदुँ बांदव !  
त्राव्यम अगर ज़माना ॥

.....

हनि-हनि चमन चूँ शेरांन  
कुलि-कुलि चूँ ग्वड बरान छख

रंगुँ-रंगुँ चूँ पोश पौरान !  
वागवान छु बॅल्य बहाना !!

-----○-----

## ओं नमः जगत माता

गन्योमुत छुम मनस चोन बाव  
मे' अमुत लोलुं वानन छाव

जगथ माता मे' दर्शुन हाव ।  
जगथ माता मे' दर्शुन हाव !!

जगत माता चें टोटान छख  
ह्यवान युस लोलुं सूत्य चोन नाव

भगत सन्तानुंय बे शक ।  
जगथ माता मे' दर्शुन हाव ।।

बुँछुस पेंज्य किन्य स्यठा नादान  
करुम माफ छुय चे' माता नाव

करान छुस पाफ छुस अनजान ।  
जगथ माता मे' दर्शुन हाव!!

मे' वोल शानव प्यठम बोरुय  
मे' कीवल चोन छुम चिकुँचाव

मे' पुशरोव पान चे'य सोरुय !  
जगथ माता मे' दर्शुन हाव !!

तेंमिस क्या गम ये'मिस यावर  
शेंतुर सुंद पोरि कति तस दाव

चें आसख ताज दिथ बरसर ।  
जगथ माता मे' दर्शुन हाव !!

जगत माता में संतोषट रात्रे  
पनिन दय गथ दयालो हाव

वनान जेरी छुस चीय बीज ।  
जगथ माता मे' दर्शुन हाव !!

बुँ छुस ही गोंद्य चे' कित्य सारान  
चें प्रेयमुंकि बावुं ही गोंद्य छाव

प्रेम सान डेड़ितल प्रारान ।  
जगथ माता मे' दर्शुन हाव ।।



प्रेम नैगरस अंदर चामुत  
प्रेयम अमर्यथ पनुन मे'ति चाव

वुं चाने डेड़ि तल आमुत ।  
जगथ माता मे' दर्शुन हाव ॥

वदान छुस चॉन्य गनेयम कल  
मे' सतुंचे प्रे'यमुं न्येन्दरे साव

देलिस तल मौज ह्यतम जल-जल ।  
जगथ माता मे' दर्शुन हाव ॥

वनान छुस वीलुं तय जौरी  
सु ल्वकचार गव वुजर व्वन्य आव

थो'कुस यूत काल प्रौर्य-प्रौरी ।  
जगथ माता मे' दर्शुन हाव ॥

छु 'वागवान' चे'य परन प्योमुत  
छु सुमरान चोन हर दम नाव

गेंडिथ गुल्य चे'य शरन गोमुत!  
जगत माता मे' दर्शुन हाव ॥

-----○-----

# मातायि हुँज आरथी

ओं जय जगत अंबे दुर्गा                      माता जय जगत अंबे शरिका ।  
चौन्य सुमरनछि द्वखुँ हर्ता                      स्वख दाता माता ।

ओं जय जगत अंबे माता ॥

सर्व शक्तिमान छख चुँ पानय                      छख चुँ जगत्तुँच आदार ।  
चानि यछामि पकि संसार                      छख चुँ जगत्तुँच सरकार ।

ओं जय जगत अंबे माता ॥

हाल म्योनय छुय चे' रोशन                      छख चुँ अन्तर्यामी ।  
कर दया दृशटी मे' माता                      जगत्तुँच राजि रौनी ।

ओं जय जगत अंबे माता ॥

डो'ख म्योनय छख चुँ सोरुय                      बे'यि कुस छुम चे' सिवा ।  
प्रेयमुँ म्वछि चोन रो'ट म्योन दामन                      करतुँ मौज हाजथ रवा ।

ओं जय जगत अंबे माता ॥

काम, कूद, लूव, मुह, अंधकार                      छिम मे' विजि-विजि डालान ।  
ख्यनुँ-ख्यनुँ रोजतम सहायक                      मुश्किल करतुँ आसान ॥

ओं जय जगत अंबे माता ॥

चानि दयायि कतयी बनि पोन्व                      से'कि मंज बनि गुलजार ।  
ले'म्बि मंज खारतम मे' पंपोश                      दितुँ भवसरुँ मे'ति तार ।

ओं जय जगत अंबे माता ॥

वर मे' त्रिशनायि हुंद सो'न क्रूर                      पूरुँ करतम मे' आशा ।  
अज्ञानुँ गटि मंज वुँ प्योमुत                      हाव गटि मंज गाशा ।

ओं जय जगत अंबे माता ॥

लोलेँ आलव छुस वुँ लायान                      क्याजि छख नुँ मौज वोजान  
रठ मे' पनीनिस दामनस तल                      ने'श व्वद छुस वुँ 'वागवान'

ओं जय जगत अंबे माता ॥

ओं जय जगत अंबे दुर्गा                      माता जय जगत अंबे शरिका ।  
चौन्य सुमरन छि द्वखुँ हर्ता                      स्वखदाता माता ॥

ओं जय जगत अंबे माता ।

## ओं उमा दीवी नमः

शरणागतस करतम दया                      माता उमा दीवी नमा ।  
शापन छ्वन्यर पापन क्षमा                      माता उमा दीवी नमा !!

.....

लेंखिमी चूँ कॉली, सरस्वती                      गंगा चूँ जमुना भगवती ।  
चूँय पार्वती शिव सुँज प्रया                      माता उमा दीवी नमा !!

.....

पापुँक्य वॉलिथ बार चूँय                      बेंखत्यन दिवान छखतार चूँय ।  
कासान दिलुक छख चूँय गमा                      माता उमा दीवी नमा !!

.....

चे'य निश बुँलारान छुस यिवान                      चे'य निश पनुँन्य द्दख छुस फिरान ।  
कास्तम मे' द्दख आशा छमा                      माता उमा दीवी नमा !!

.....

दूर छख करान चूँय आपदा                      चूँय छख दिवान सर्व संपदा ।  
चूँय छख करान दाद्यन दवा                      माता उमा दीवी नमा !!

.....

माता दया ये'लि चूँय करख                      छे'न्य बानुँ म्योनी चूँय बरख ।  
शाह बनि क्षनस मंज अख गदाह                      माता उमा दीवी नमा !!

.....

माजि रो'स मे' वन कुस बोजि म्योन                      सामानुँ वन कुस सोजि म्योन ।  
हाजत कडुम हाजत छुमा                      माता उमा दीवी नमा !!



चे'य छिय दयासागर वनान  
ही दीन बंदू कर दया

माता कृपासागर वनान ।  
माता उमा दीवी नमा: !!

दीवता छि चोनी ग्वन ग्यवान  
शखती शिवस निशि मा जुदा

विष्णु छु चोन्य सुमरन करान ।  
माता उमा दीवी नमा: !!

जाफुर्य, गुलाब, मसवल तूँ ही  
लोलुँ अशि चे' चरनन ग्वड दिमा

लोलुँ सान चे' शेरस लागुँ बूँय !  
माता उमा दीवी नमा ।

'बागवान' कति सामरथ अनी  
शुर्य पोट्य करान छुय चे'य त्वता

व्यस्तोरु युथ चोन्य ग्वन वनी ।  
माता उमा दीवी नमा !!

शरनागतस करतम दया

माता उमा दीवी नमः ।

## ओं उमा दीवी दया कर

जगत माता कृपा सागर दयालु छख दया करतम ।

उमा दीवी बैनिथ सनम्बख चैं स्वखदाता दया करतम ॥

भगत चॉन्य ग्वन ग्यवान हरदम परान सूहं छि यूगी ज़न !

स्वरान चें'य सन्त छिय ख्यन-ख्यन चैंशांता छख दया करतम !!

चैं छख आदार जीवन हुँज छख पेंज दीव दीवन हुँज !

चैं छख सरकार सरकारन शाहन हुँज शाह दया करतम !!

चैं माता कुंडलनी असि मंज चैं कृपा मदमती जगतुंच !

चें' जय कौली-कला बैविनय चें' जय विजया दया करतम !!

मुँ वुछ म्यान्यन क्वकर्मन कुन, अधर्मन कुन, वुँ ने'श ब्वद छुस ।

वुँ छुस ना तोनि चोन सन्तान चैं छख माता दया करतम !!

चें' रो'स कुस म्योन स्वखदाता चें' रो'स कुस मे' रछिवुन छुम ।

चैं म्यॉन्य माता, पिता, ब्राता, जगत माता दया करतम !!

छु चोन दरबार ओलीशान अति अर्थु खॉल्य नेरूया कांह ।

वुँ छुस छो'न छो'त चैं दिख ना दान चैं छख दाता दया करतम!!

बहारस मंज छु रंग चोनुय, चैं छख पोशन अंदर ख्वशबू ।

चैं बागवानस अंदर शखती छु सुति आगाह दया करतम !!



## ॐ चामंडा भगवती नमः

करूँहा वुँ चॉन्य अज़ असतो'ती  
पंपोश पादन तल अँती

माता चमंडा भगवती ।  
माता चमंडा भगवँती ॥

जगतस रखान छख शारिका  
लँखमी चुँ छख चुँय पार्वती

ही भगवती ही रँगन्या ।  
माता चमंडा भगवँती ॥

रँटमुँघ चें जाय मंज़ जंगलन  
गंगा वसान छय ना अँती

अँद्य-अँद्य चें छिय ना क्वह तुँ वन ।  
माता चमंडा भगवँती ॥

लछि वँद्य चें' निश वातान छिना  
नेरान छि ह्ययथ स्वख संपती

खौली छु मा नेरान कांह ।  
माता चमंडा भगवँती ॥

सारिनुँय दिवान माता चुँ स्वख  
क्या - क्या दिवान छख धनवती

सारिनुँय करान छख दूर द्रख ।  
माता चमंडा भगवँती ॥

खगस हँक्रीम ये'लि बनि नुँ कांह  
खगन शफा हँसिल अँती

खग कौन्सि ये'लि ज़न बलि नुँ ज़ांह!  
माता चमंडा भगवँती !!

साद-सन्त छी वातान ओर  
शौन्ती लवान सौरी अँती

सौरी रटान छी चॉन्य खोर ।  
माता चमंडा भगवँती !!



○

युस धियि चें वेंनिथ चेंय निश गदा  
टाठान चें तस छख ग्वनुं वेंती

हेंसिल छु सपदान तस मुदा ।  
माता चमंडा भगवेंती !!

○

यछायि चानि आमुंत्य छि अँस्य  
शरनागतस छय जाय ये'ती

पादन परन पेमित्य छि अँस्य ।  
माता चमंडा भगवेंती !!

○

वेंखतिस चें गालान पाफ छख  
मूर्खन दिवान छख सरसो'ती

ऑरत्यन चें कासान शाफ छख ।  
माता चमंडा भगवेंती !!

○

ही मूखिदाता बोज़तम  
'बागवान' प्रारान छुय ये'ती

साहितस मे' हरदम रोज़तम ।  
माता चमंडा भगवेंती !!

—○—

# माता ख्यामा कर

चुँ छख अंवा महामाता  
करुम माता पनुन साया

ख्यमा कर पानुँ ही दीवी ।  
ख्यमा कर पानुँ ही दीवी !!

मे' कैर्यमित् पफ पथ जन्मस  
तवय लो'गमुत ज्यनस मरनस

कर्मोविम शाफ यथ जन्मस ।  
ख्यमा कर पानुँ ही दीवी !!

बुँ रो'टमुत मुह अंधकारन  
बुँ किथुँ करुँ धर्मकुय पालन

बुँ वो'लमुत लूबेकी जालन ।  
ख्यमा कर पानुँ ही दीवी !!

बुछुम संसार अजब बाज़ार  
खरीदारस मे' छुम अंधकार

अपुँज्य बापौर्य सो'पुन बापार !  
ख्यमा कर पानुँ ही दीवी !!

स्यठा बुछ-बुछ ति मा जोनुम  
बुँ छुस ने'शब्द तुँ वे परवा

स्यठा बूज्य-बूज्य ति मा मोनुम ।  
ख्यमा कर पानुँ ही दीवी !!

यि सौंथ त्वक्चार गछि नीरिथ  
चेत्यम पोंपुर यि शाह नीरिथ

हरुद बुजुरुक ति यिथि फीरिथ!  
ख्यमा कर पानुँ ही दीवी !!

छे' बागवानस ति चोनी आश  
करुम पापन चुँ म्यान्यन नाश

मे' हावुम गटि अंदर नो'न गाश!  
ख्यमा कर पानुँ ही दीवी !!

चुँ छख अंवा महामाता  
करुम माता पनुन साया

ख्यमा कर पानुँ ही दीवी !  
ख्यमा कर पानुँ ही दीवी !!

## ओं माता पार्वती बोज

शैहलाव हृदयुक नार सेंती

पार्वती बोज !

यियिनय चे' म्योनय आर सेंती

पार्वती बोज !!

छुस दज़ान वो पापुं कर्मो

छुस वुं खारान वार !

वालुम वुं पापुक बार सेंती

पार्वती बोज !!

वथ स्येज मे' हावुम आश छम चॉन्य

गाश छख म्योन चूँय ।

अँनिसुँय मे' गाल अंधकार सेंती

पार्वती बोज !!

वातनस चे' निश मे' ध्यान हेरे ज्ञानुं

प्रकाश दिम !

नतुं गछि गुलस मे' खार सेंती

पार्वती बोज !!

लछि वजुं यूनी प्रॉव्य-प्रावी

मनशि यूनी आस !

भवसरुं वन्य दिम तार सेंती

पार्वती बोज !!

आशायि चमनस गुल तुं गुल्ज़ार

सगुँनॉविथ चे'य !

वागवानुं सुँन्दि अनहार सेंती

पार्वती बोज !!





## ओं त्रपोर स्वंदरी नमः

लोलुं दारस अचौवय

प्रे'यमस मंजु नचौवय

खनुंवनन्यन गछौवय ।

खनुं वरन्यन गछौवय ॥

आलव करतुं व्यसन

माजि ब्रौह कुन गछौवय

दिवसर ताम खसन ।

खनुं वरन्यन गछौवय !!

शारिका तति प्रारान

वखित वावुं किन्तु गछौवय

वैखत्यन पानुं गारान ।

खनुं वरन्यन गछौवय !!

तति छुय नो'न दरवार

मंजु दरवार अचौवय

तति नैन्य बखशनहार ।

खनुं वरन्यन गछौवय !!

तस यियि अथि मुदा

वलुं गदा वैनित्थ गछौवय

युस तति लायि सदा ।

खनुंवरन्यन गछौवय !!

तति वुछ यारि कुल्यन

विगिन्यन मंजु नचौवय

जल तुं को'स्तूर बोलन ।

खनुं वरन्यन गछौवय ॥

ही तुं मसवलि तति वोश

तैथ्य गोशस गछौवय

तति पवलि हृदयुक पोश ।

खनुं वरन्यन गछौवय ॥

तति दरबारि ओली  
वौलीये-वौल्य गछौवय

कांह ति नाय द्राव खौली !  
खनुँ वरन्यन गछौवय ॥

साद सन्त तो'त छिवातन  
जूनुँ गाशस गछौवय

जाग्रथ करान रातन !  
खनुँ वरन्यन गछौवय ॥

वलुँ तति ज्ञान छाख  
प्रान छलने गछौवय

वलुँ तति ध्यान दाख ।  
खनुँ वरन्यन गछौवय !!

'वागवानस' छु सुय बाग  
तैथ्य बागस अचौवय

तति नय माग नय द्राग ।  
खनुँ वरन्यन गछौवय !!



# ओं नमो माता दया सागर

चुँ छख माता दया सागर ।

दया कर मौज मे' मुचराव बर ॥

वुँ आमुत छुस गदा बर दर ।

दया कर मौज मे' मुचराव बर ॥

न छुस ओलिम न छुस फौजिल ।

न छुस ओकुल वि छुस वेकुल ॥

वुँ छुस नादार तय वे ज़र ।

दया कर मौज मे' मुचराव बर ॥

थोकिथ लूसिथ ह्यमथ अज़ आस !

बु चोनिस् प्रे'यमुँ नैगरस चास !!

मे' थो'वमय ब्राँदुँ कनि प्यठ सर !

दया कर मौज मे' मुचराव बर !!

मे' छम ना आश बस चोनी ।

चुँ छख ना मौज लासोनी ॥

मे' छुम सोरुय चे' प्यठ न्यर्वर ।

दया कर मौज मे' मुचराव बर ॥

छि किथुँ पौट्य मौज शुर्यन पालन !

शुर्यन हुंद चो'क मो'दुर चालन !!

चे' छुय ना म्योन गछन ज़र-ज़र ।

दया कर मौज मे' मुचराव बर ॥



क्वकर्मन हुंद मे' छुम गो'व वार ।  
मे' किथुं लगि नावि भवसरुं तार !!  
चुं दिम तार वुछनुं युथ ज्यनुं मर ।  
दया कर मौज मे' मुचराव वर !!

मे' अथुं रैट्य-रैट्य चुं पकुंनावुम ।  
मे' गटि मंज गाश चुंय हावुम !!  
वुं छुस न्यर्वल तुं मे' छम थरुं-थर ।  
दया कर मौज मे' मुचराव वर !!

मे' दिम त्युथ गाश प्रत्यख बासख ।  
अंदर-न्येवरय मे' चुंय आसख !!  
मुं कर दरुं-दर क्षमासागर !  
दया कर मौज मे' मुचराव वर !!

मे' गव यचकाल ये'ति प्रारान ।  
पंपोश पाद चोन्य गारान ॥  
वुं छुस प्रारान दितम रुत वर ।  
दया कर मौज मे' मुचराव वर ॥

वागवानस छि चोनी सथ !  
करख अथुंरो'ट चुं हावख वथ !!  
कृपा सागर कृपा व्वन्य कर ।  
दया कर मौज मे' मुचराव वर !!



# ओं माता चुँ टोटतम

शरन छुस वु आमुत आशी सानय !

मोंज भगवेंती टोटतम चुँ पानय !!

छुस परन वुँ प्योमुत लोलुँ सानय !

मोंज भगवेंती टोटतम चुँ पानय !!

ध्यान संध्यायि हुँन्ज छम नुँ कथय !

ओ'न छुस तुँ कति डेंशि चानि वतय !!

पाठ-पूजा वुँ मोंज कति ज्ञानय !

मोंज भगवेंती टोटतम चुँ पानय !!

कति ज्ञानु चे' करुन आवाहन !

पूजा चे' करुन्य, प्यो'न चे' परन !!

भगती हुंद कति छुम मे' वानय !

मोंज भगवेंती टोटतम चुँ वानय !!

लूवुँ सर्पन छुस बुछिमुतुय !

काम-क्रूदन छुस मुछिमुतुय !!

मुह-मायायि चँटिनम मे' शानय !

मोंज भगवेंती टोटतम चुँ पानय !!

चे' रो'स कुस हावि नो'न प्रकाश !

चे' रो'स कुस दिथि मे' अँछन गाश !!

गटुँ कौसिथ दियम कुस मे' ग्यानय !

मोंज भगवेंती टोटतम चुँ पानय !!

संसार पूरुँ छुम मे' पो'ज बासान !

सरफुँ कनि छुम मे' रज वासान !  
छांडान छुस तवय धन तुँ मानय !  
मौज भगवैती टोटतम चुँ पानय !!

दनुँ सो'म्बरान छुस हारि-हारे !  
वासान छुम बस यी मे' तारे !!  
पतुँ मा सूँत्य वसान अख आनय !  
मौज भगवैती टोटतम चुँ पानय !!

त्रैय, सन्तान बे'यि बंद तुँ वांदव !  
यिम मे' सौरी छिम मे' चंदु वांदव !!  
छिम खरीदार मे' वौन्य-वानय !  
मौज भगवैती टोटतम चुँ पानय !!

छुम अहंकार पानुँ छुस बुँ जेनान !  
सोरुय वुँ पनने गजुँ मेनान !!  
बौगरान पानु छुख चुँ दानुँ - दानय !  
मौज भगवैती टोटतम चुँ पानय !!

पानस मे' तकसीर पननी मे' पाफ !  
मात्रुँ बावुँ किन्य मौज करतम माफ !!  
क्वमाता छे'नुँ मौज आसानय !  
मौज भगवैती टोटतम चुँ पानय !!

मेतु वुछतुँ म्यान्यन पापन कुन !  
दया करतुँ चठ मे' गछुन युन !!  
अनजान बागवान छु नादानय !  
मौज भगवैती टोटतम चुँ पानय !!



## ॐ माता रखिपाल कर

नाव चोन दीन दयाल  
चुँय च़टान पापुक्क ज़ाल

रखिपाल करी दीवी !  
रखिपाल करी दीवी !!

इयूकुँ चोन सिरियि न्यर्मल  
च़ेन्दरमुँच चे पानस चाल

पाद च़ौन्य च़रनुँ कमल !  
रखिपाल करी दीवी !!

नाव च़ौन्य लछि ब़ेदी  
नावुँ-नावुँ गंडय भावुँ माल

शूवुँवुँन्य अष्टुँ से'दी !  
रखिपाल करी दीवी !!

चुँय शिव तुँ चुँय शखती  
ज़ल वायो तय शीनुँ बाल

चुँय भगत चुँय भगती !  
रखिपाल करी दीवी !!

प्रहलाद रो'छतन चे'य  
हरिण कशपुँ सुँज्ज काल

क्वछिमंज ह्यो'तथन चे'च !  
रखिपाल करी दीवी !!

द्रो'पदी पानुँ रूज्जिथ  
दुशासन गव बदहाल

द्रो'पदी जामुँ सूज्जिथ !  
रखिपाल करी दीवी !!

चुँय कृष्ण तुँ चुँय राधा  
गौ चुँय तुँ चुँय गोपाल

राम चुँय तुँ चुँय सीता !  
रखिपाल करी दीवी !!

च़ौन्य कुस ज़ानि माया  
चुँय रछान चुँय महाकाल

चुँय सिरियि चुँय छ़ाया !  
रखिपाल करी दीवी !!

प्रारान छुस वरस तल  
वुछि हा वुँ चोन खतुँखाल

चानि दर्शनुँच छम कल !  
रखिपाल करी दीवी !!

क्वछि मंजु मे' व्वछि कासुम  
रठतम मे' नौली नाल

न्यँतरन साफ वासुम !  
रखिपाल करी दीवी !!

रो'न तुँ ओ'न छुस करान मान  
आशायि किन्य वुछान फाल

चौनी मे' गछिना ज़ाना !  
रखिपाल करी दीवी !!

लूबन मे' चँटिनम खोर  
शापन मे' ज़ौजनम तांल

पापुक मे' शानन बोर !  
रखिपाल करी दीवी !!

आलवय वुँ दूँपु कनिपान  
प्रे'यमुँच गंडय पोशिमाल

दुदुँ कनि बावय प्राण !  
रखिपाल करी दीवी !!

कर दया छख दयालो  
यिनुँ गछनुक मे' चठ ज़ाल

रठ मे' व्वन्य नौल्य नालो !  
रखिपाल करी दीवी !!

डो'ख म्योन छख वुँ सोरुय  
चे' निश मौरिथ यिमुँ छाल

वालतम मे' पापुँ बोरुय !  
रखिपाल करी दीवी !!

'बागवान' कस वनि हाल  
तस ति सन्तानुँ पँख्य पाल

सुति फिरान चौनी माल !  
रखिपाल करी दीवी !!

# देयि मायायि जयकार

पोशि वुन अनुग्रह छु चोन साये !

जय-जय कार चानि मायाये !!

कम विह छि गछान कायाये !

जय-जय कार चानि मायाये !!

०

राथ ओस शुर तय अज छु जवान !

बुजरस मंज पतुँ पान ग्ववान !!

ओखुर छि सूरु पयख कायाये !

जय-जय कार चानि मायाये !!

०

राथ ओस धनवान अज छु निर्धन !

राथ ओस ओश अज छुनुँ ख्यन-चन !!

हीमालि रोव ना नोंग्य राये !

जय-जय कार चानि मायाये !!

०

रावनुँनि लंकायि गव ना नाश !

महावीरन ये'लि लचि को'ड़ वाश !!

रामुँ-रामुँ ये'लि पो'र सीताये !

जय-जय कार चानि मायाये !!

०

द्वारिका कृष्णस को'त छि गोंमुँच !

सँदरस मंज बाग मा छि पेमुँच !!

ओ'श वो'थ अर्जनस लोलुँ माये !

जय-जय कार चानि मायाये !!

०

स्वख-द्वख छि वुछन राजुँ रौनी !  
मे'चि म्यूल दर्योधन मौनी !!  
रामन ति हान लेंज सीताये !  
जय-जय कार चानि मायाये !!

०

राथ ओस मातम अज छु वनवुन !  
जीवुँ चे' पजि वारुँ सनुन !!  
क्या पो'जुँ क्या अपुज छु म्यानि बाये !  
जय-जय कार चानि मायाये !!

०

रोजुँवुन पोशिवुन छुनुँ संसार !  
सो'पुन ये'ति बाजुर सो'पुन बापर !!  
क्या ह्ययख सोदा कमि राये !  
जय-जय कार चानि मायाये !!

०

माया जालस कवुँ पोशख !  
यथ द्रखुँ सागरस कवुँ तोशख !!  
ख्यलुँ वैथरस निशि हे'छ त्राये !  
जय-जय कार चानि मायाये !!

०

'बागवानुँ' वागस सौथ पोशा !  
हरदुँ पतुँ यो'त यिनस सौथ रोश्या !!  
युन-गछुन वंदे पतुँ तापुँ क्राये !  
जय-जय कार चानि मायाये !!

—○—



# भावुँ पोश तुलुँ मुलि पेश करस

मौज मस प्यालुँ वरय  
बावुँ पोश ह्यथ वुँ तरय

तुलमुलि पेश करय !  
तुलमुलि पेश करय !!

.....

लोलुँ नारन वुँ ज़ोलुस  
मौजी चे' ग्राव करय

दूरिरन चॉन्य गोलुस !  
तुलमुलि पेश करय !!

.....

गुल्य गॅन्डिथ यी चे' वनय  
खीर-खंड खौस्य बरय

यी प्रयी ती वुँ अनय !  
तुलमुलि पेश करय !!

.....

हृदयुक प्रंग शीरिथ  
लोलुँ पोशव सु बरय

चे' क्युत थवुँ पूरिथ !  
तुलमुलि पेश करय !!

.....

दिवसरुँ खनुँ बरन्यन  
तति चोन ध्यान दरय

लोलुँ थरि पोश फवलन !  
तुलमुलि पेश करय !!

.....

सूहं श्वास खंसुन  
राथ-द्वह ती वुँ स्वरय

दीप ज़न प्राण दज़न !  
तुलमुलि पेश करय !!

.....

'बागवान' पोशि गॅन्दी  
म्वखतुँ तखतस चे' ज़ेरय

थावी चे' ऑन्द्य-अॅन्दी !  
तुलमुलि पेश करय !!

—○—

# माजि करव साल तूँ वनोस हाल

जगत माता चूँ यिख ना सोन !

करोय अँस्य पोशि वरशोनूय !!

करव अँस्य पुरेँ दर्शुन चोन !

करोय अँस्य पोशि वरशोनूय !!

०

प्रेम सँत्य अँस्य छलोम ये'लि खोर !

नचनि लगि सानि दिलकुय मोर !!

चरन अमरूयथ चमव अँदुँ चोन !

करोय अँस्य पोशि वरशोनूय !!

०

बूँ ज़ालय मौज कोफूर दूँप !

चूँ हावतम मौज पननुय रूँफ !!

बूँ यिथुँ करूँ पूरूँ दर्शुन चोन !

करोय अँस्य पोशि वरशोनूय !!

०

पूजायि लागयय चे' पोश !

मे' ज़ौरी थावतम चूँय गोश !!

करय अँदुँ लोलूँ कीरतन चोन !

करोय अँस्य पोशि वरशोनूय !!

०

बूँ त्रावय पाटिकुय आसन !

अँतुँर मलुँ पानुँ तथ हन-हन !!  
हृदय म्योनुय छु आसन चोन !  
करोय अँस्य पोशि वरशोनुय !!

०

वुँ नावद कंद चुँय ख्यावथ !  
प्रेम द्वद गलि-गलि चावथ !!  
खिरुक थाल वरुँ वुँ बूजन चोन !  
करोय अँस्य पोशि वरशोनुय !!

०

वनय अँदुँ हाल चे' पननुय !  
चे' माता तथ पजी सननुय !!  
चल्यम युथ गोसुँ सोरुय प्रोन !  
करोय अँस्य पोशि वरशोनुय !!

०

चे' पावय अँदुँ पनुन द्वख याद !  
चुँ कासुँहम द्वख तुँ करहम शाद !!  
पोलिम अदि हृदय कमल म्योन !  
करोय अँस्य पोशि वरशोनुय !!

०

वुँ ललुँनावथ चुँ मनुँसुँय मंज !  
वुँ सावथ हृदयि कमलस मंज !!  
ध्यान अँदुँ दारि 'बागवान' चोन !  
करोय अँस्य पोशि वरशोनुय !!

-----०-----

# असि रो'ट माजि हुंद दामानय

दीवी छु थो'द चोनुय थानय

जगतस रछिवुन्य छख चुँ पानय

○

बैखत्यन किच छख दीन दयाल

गाटत्यन, सन्तन किच चुँ ज्ञानय

○

महाविद्या छख सरस्वती चुँय

लेखिमी दि असि अन-धन तुँ मानय

○

ये'लि दीव तंग अँन्य महिशासुरन

गोलथन च़े महिशासुर पानय

○

जगेंतुच मोजी छख चुँ सरकार

माया छि चॉन्य हावान बहानय

○

दौद्य लदनुँय रोग छख चुँ कासान

छख दरिद्रन दिवान आन-शानय

○

अँनिसुँय चुँ दिवान गाश न्यँतरन

गालान काम, क्रूद, लूब, पानय

असि रो'ट चोनुय दामानय !

असि रो'ट चोनुय दामानय !!

दुष्टन, मलेछन किच महाकाल !

असि रो'ट चोनुय दामानय !!

अनदाता छख भगवैती चुँय !

असि रो'ट चोनुय दामानय !!

इंदरजुँ बे'यि दीव पु'य च़े' परन!

असि रो'ट चोनुय दामानय !!

यछयि चानि किन्य चलान कौरुबार!

असि रो'ट चोनुय दामानय !!

द्वख हृदयस छख द्वख कासान!

असि रो'ट चोनुय दामानय !!

भगतन करान छख नाश शँतरन!

असि रो'ट चोनुय दामानय !!



○  
चौन्य लीला छि मौज अपरंपार  
चुँय हाजथ तूँ चुँय सामानय

चुँय द्रख तय चिय स्वखकुय छख सार !  
असि रो'ट चोनुय दामानय !!

○  
राजि रे'न्य ताज दिथ छख चुँ शूबान  
पादर सेंह सवारि बा शानय

सिरिं, चेंद्रम कुय तख्त खूबान!  
असि रो'ट चोनुय दामानय !!

○  
मौजी ! चुँ रट असि दैलिसुय तल  
पापन मुँ वुछ अँस्य छि नादानय

फैर्य-फाह दिथ असि दितुँ चुँय बल !  
असि रो'ट चोनुय दामानय !!

○  
बागवान छुय वुछन पेशान मंज  
चराचर जगतस मंज चुँ पानय

बौगुक्कन तूँ चमनैक्कन गोशान मंज!  
असि रो'ट चोनुय दामानय !!



# ओं माता अनुग्रह कर

जायि-जायि चोनुय थानय मोंजे  
भगती हुंद दितम वानय मोंजे

अनुग्रह करतम मे' पानय मोंजे!  
अनुग्रह करतम मे' पानय मोंजे!!

प्रे'यमुंम्य पोश ह्यथ आस डाल्यन मंज  
गूर गछि मंजलिस पानय मोंजे

त्वलि ललुनावथ चुं हृदयस मंज!  
अनुग्रह करतम मे' पानय मोंजे!!

भावुक वथरुन वथरिथ चे' त्रावय  
ताजस जरय म्वखेतु दानय मोंजे

प्रे'यमुक पंपोश ब्रोंदु कनि थावय!  
अनुग्रह करतम मे' पानय मोंजे!!

खीरें खंडु थाल चे' वेंर्य-वेंर्य सोजय  
नावद ख्यावथ दानुं-दानय मोंजे

किशमिश वादाम डौल्य ह्यथ रोजय!  
अनुग्रह करतम मे' पानय मोंजे!!

बल्लु मोंज म्येनिस हृदयस मंज रोज  
नतुं फुटि मनुंकुय वानय मोंजे

बल्लु म्योन्य फेरियाद अकि विजि चिय बोज!  
अनुग्रह करतम मे' पानय मोंजे!!

वैलिवे विगिन्यव लोलुं वनुंनावव  
फोतस म्वखतुं वनि पानय मोंजे

तुलुं मुलि नागुवानि मन हय नावव!  
अनुग्रह करतम मे' पानय मोंजे!!

तस क्या गम यस टोठख चुं पानय  
भवसरुं तार लवि पानय मोंजे

वेंर्य-वेंर्य यिन तस प्रे'यमुंम्य वानयें!  
अनुग्रह करतम मे' पानय मोंजे!!

चान्यन वेंखत्यन आशा चोनी  
छख दयासागर चुं पानय मोंजे

जानान तिम छिनुं कांह चोन सौनी!  
अनुग्रह करतम मे' पानय मोंजे!!

‘वागवान’ आमुत लारान-लारान  
चानतन देवान खानय मोंजे

येंचकाल गोस चानि डेडितल प्रारान!  
अनुग्रह करतम मे' पानय मोंजे!!

# ॐ माता ज़ारुँ-पारुँ बोज़

बंदरगाह आस नाबकार  
आम चोन ये'ति छु दरवार

ज़ारुँ-पारुँ बोज़ दीवी !  
ज़ारुँ-पारुँ बोज़ दीवी !!

.....

शीतल शारिका चुँय  
राजि रे'न्य छख चुँ ताजदार

शूबुँवुँन्य रोंगिन्या चुँय !  
ज़ारुँ-पारुँ बोज़ दीवी !!

.....

कैवियन मंज़ चुँ आवाज़  
वीदन हुंद चि छुख चुँ सार

शब्दन मंज़ चुँय राज़ !  
ज़ारुँ-पारुँ बोज़ दीवी !!

.....

कृष्णस सैत्य राधा  
जगत्तुँच चुँ रक्षाकार

रामस सैत्य सीता !  
ज़ारुँ-पारुँ बोज़ दीवी !!

.....

चुँय म्यौन्य मात-पिता  
चुँय छख म्यौन्य सरकार

चुँय म्यौन्य वंद तुँ भ्राता !  
ज़ारुँ-पारुँ बोज़ दीवी !!

.....

पादन बुँ प्योसय परन  
करान छुस चे'य नमस्कार

चरनन बुँ चान्यन शरन !  
ज़ारुँ-पारुँ बोज़ दीवी !!

.....

हचरलद छुस मुचर बर  
दिम मे' भवसैरुसुँय तार

मे' कासतम पानुँ ज़रज़र !  
ज़ारुँ-पारुँ बोज़ दीवी !!

.....

वुँ आमुत आशावान  
पापुक मे' वसि युथ वार

मनस दिख मे' पनानी ज्ञान !  
ज़ारुँ-पारुँ बोज़ दीवी !!

.....

दूप-दीप ग्वडुँ आलवय  
लागय वुँ पोशि अंबार

कंद तुँ द्दद अँदु वुँ वावय !  
ज़ारुँ-पारुँ बोज़ दीवी !!

.....

सुलि वैथित न्यथ प्रभातन  
नॉल्य त्रावय वुँ ही हार

दिमय अँन्द-अँन्द चे' प्रदिख्यन!  
ज़ारुँ-पारुँ बोज़ दीवी !!

.....

वनुँहा वुँ ग्वन चॉनी  
करहा वुँ जैय जैय कार

सरस्वती दिम मे' वॉनी !  
ज़ारुँ-पारुँ बोज़ दीवी !!

.....

छिय न्यैथुर चॉन्य पंपोश  
म्बख चोन पूरुँ उँकार

द्रशटी चॉन्य दिवान होश !  
ज़ारुँ-पारुँ बोज़ दीवी !!

.....

चे' निश आस योर लारान  
कारस मे' दिम व्यस्तार

वरस तल छुस वुँ प्रारान !  
ज़ारुँ-पारुँ बोज़ दीवी !!

.....

अरदाह नरि चाने  
चे' रो'स कस यियि म्योन आर

तुल्यतन मे' थो'द पानय !  
ज़ारुँ-पारुँ बोज़ दीवी !!

.....

अरज़ी छख चुँ बोज़ान  
बागवानुँ सुन्ज ति बोज़ ज़ार

पूरुँ सामानुँ सोज़ान !  
ज़ारुँ-पारुँ बोज़ दीवी !!

-----o-----



## माजि कैरुम गाव

गोम यचकाल चे मे' प्रारान  
छुस वुँ सन्तान चोन यो'दवय

योर कुन जांह तैर्य जिहे !  
म्योन्य अरजी पर्य जिहे !!

○

कैर्य मे' पापन डेर पेरु किन्य  
मोज ओसुंख पापु निशि जांह

चेर ये'मि किन्य गव स्यटा !  
कैह वैनिय मे' फिर्यजिहे !!

○

मेशरोविथ दूर त्रौविथ  
निशि अँनिथुय मोज दया

क्याजि को'रथस दरबदर !  
दृष्टी मे' प्यठ जांह कैर्यजिहे !!

○

सुवहनसा शामस वुँ प्रारान  
चूरि-चूरे, दूरि-दूरे

चौन्य छाय छारान छुस !  
नो'न पनुन गाह कैर्यजिहे !!

○

आमुँ-खासस दूर त्रौविथ  
चास ओ'बरस मंज तुँ रोवुस

पूरुँ चँन्दरम वुछनि द्रास !  
दूर गटुँ जांह कैर्यजिहे !!

○

ओ'न तुँ रो'न छुस, नो'न तुँ नुँ छुस  
कालुँ गटि मंज छुस पथर प्योमुत

सो'न-वो'गुन क्या डेशि वो !  
मे' थो'द जांह तुलिजिहे !!

○

बागवान छुस बागनुँय मंज  
जोयिनुँय मंज मोयि सोबुल

वेरि चाने वैन्य दिवान !  
नपेन पनुन जांह कैर्यजिहे !!

-----○-----

## ओं नमः शिवाय

सरफुँ ग्वसॉनिस वसमादारस !  
तस गंगादारस छु पादि प्रणाम !!  
तस आदि दीवस तस जटादारस !  
तस गंगादारीस छु पादि प्रणाम !!

०

पौर्य लगुँ तैम्य सुन्दिस आशितोश नावस !  
जयकार तैम्य सुन्दिस बखति बावस !!  
शिव आकारस तस निराकारस !  
तस गंगादास छु पादि प्रणाम !!

०

मूखिदाता छिस बनान तपुँ सारस !  
तार दिनुँ वोल सुय भवुँ सागरस !!  
स्वखुँदाता छुय सुय संसारस !  
तस गंगादारस छु पादि प्रणाम !!

०

सुय दय शे'हलावि मनुँकिस नारस !  
सुय दय व्यस्तार दियि कारस !!  
तैम्यसुंद दया रूप हर दम गारस !  
तस गंगादारस छु पादि प्रणाम !!

०

शखती खोवैर्य शिव आकारस !  
जटि मंज गंगा वसान आरस !!  
चैन्दरमुं जटि मंज छु जटादारस !  
तस गंगादारस छु पादि प्रणाम !!

०

लछ नमस्कार करुं तस अमरनाथस !  
युथ तुं मैशराव्यम मे' कुनि सातस !!  
जय-जयकार करुं ब्रशव सवारस !  
तस गंगादारस छु पादि प्रणाम !!

०

कौलास पर्वत किस महादीवस !  
भावनायि पादन बुं पूज करहस !!  
सुय करि द्वख दूर शे'हलावि नारस !  
तस गंगादारस छु पादि प्रणाम !!

०

दयायि प्यठ ये'लि यियि 'बागवानस' !  
फवलु रावि तिथुं पौट्य तस बागस !!  
पंपोश फवलनस मागस तुं हारस !  
तस गंगादारस छु पादि प्रणाम !!

-----०-----

# जाने जहान बास्योम

टोट शिवनाथ सोमी जाने जहान बास्योम  
निर्मल मनुक महल वस तैम्य सुंद ठिकानु बास्योम !!

मिथ्या जगत सोरुय गटुं जो'ल छु सो'पनुं माया !  
पो'ज सार शेव शंभू पजरुक निशानुं बास्योम !!

सोमी शुन्युक छु पानय शमशानुंनुंय छु फेरान !  
जंगलन तुं वेस्तियन मंज जायि-जायि पानुं बास्योम !!

मैनुकिस मैतिस वुं दिमुं डंग, दिमुं वासनायि हैट्य चीर !  
वसुं सतसंग सेंदरस लवुं म्वखतुं दानुं बास्योम !!

पथकालि, अज तुं ब्रौहकुन, सुय ओस, तैस्य छु रोजनु!  
ज्ञानुक न्यथुर मे' मुचरुम सुय आनुं-आनुं बास्योम !!

दूरयर तैमिस तुं मे' क्या, दो'गन्यार कैम्यसना वो'न !  
अज्ञानुं गटि मंजुंय गोम कुनिरस फसानुं बास्योम !!

क्रूरयन, क्वलन तुं आरन, जोयन तुं आबशरिन !  
जल आगरस छु छारन सेंदरुंकि मकानुं बास्योम !!

आशा दिलस छि तैम्यसुंज युस पालुंवुन छु जगतस !  
प्रालब्ध सोन सोजान युस दानुं-दानुं बास्योम !!

हनि - हनि सु सग दिवान छुय, कुलि-कुलि सु ग्वड़ बरान छुय!  
शेरान छु बाग पानय, बागवान बहानुं बास्योम !!





## शिवनाथस जटि लागस पोश

शिवुं नाथ गाशुर छुहम अनिगटे जटे वुं लागय पोश !  
दूरयर चाने वॉलिंज फटे जटे वुं लागय पोश !!

.....

शमशानुं वसमा पानस मेलिथुय वेलिथुय सुंह मुसला !  
वासुक नॉल्य छुय त्रोवमुत हटे जटे वुं लागय पोश !!

.....

अहंकारन रावणस को'र नाश कौलास जेनुनि द्राव !  
खरुं-न्यो'रुं जेरि लोग चानि छूटे-छूटे जटे वुं लागय पोश !!

.....

सो'द्य वॉनिस ये'लि अनुग्रह होवुथ बोवुथ नो'न तस राज !  
शीशि नागुं दितिथ तस मटि-मटे जटे वुं लागय पोश !!

.....

विष्णु, इंद्रराजुं, दीवता तुं ब्रह्मा तमाह करान चोनुय !  
दर्शुन करने यिवान लटि-लटे जटे वुं लागय पोश !!

.....

आश छम चॉनी गाश मे'ति आवतम नाश करतम पापन !  
सायबानुं छुहम च्युंय मंज त्रटे जटे वुं लागय पोश !!

.....

बागवान चमनस गव पोश खारान गारान चोनुय नाव !  
गुल तस रछितख हरदुनि छटे जटे वुं लागय पोश !!

-----○-----

शिवाय नमूँ ओँ नमः शिवाये !

ओं शैव शंभू वो'लुस चानि माये !

शिवाय नमूँ ओँ नमः शिवाये !!

वस्मादोरी भगवानुं बड़ि पाये !

शिवाय नमूँ ओँ नमः शिवाये !!

०

बखति वतसलुँ बैखत्यन पालन छुख !

गंगा दोरु पाफ चुँय गालन छुख !!

आश्रम जटि मंज द्युतुथ गंगाये !

शिवाय नमूँ ओँ नमः शिवाये !!

०

त्यौंगी श्वरुँ शंकर त्याग करिथुँय !

विष चोथ शंकुरुँ प्यालोँ बैरिथुँय !!

दीव चे' शरण गैय को'रथख सायु ।

शिवाय नमूँ ओँ नमः शिवाये !!

०

दया चोनी छि भवसेरु तारन !

ध्यान चोन सोरी पाफ निवारन !!

लोलुँ पोश लागय भावुँ श्रदाये !

शिवाय नमूँ ओँ नमः शिवाये !!

०

मुखिदाता ये'लि अनुग्रह हावख !  
पोशि दंत सुँन्द्य पौट्य मूँख दावख !!  
सो'द्य वौनिस दिख शीशि नाग जाये !  
शिवाय नमुँ ओं नमः शिवाये !!

०

शिव शंकर शख्ति नार्थुं ही शंभू !  
श्वास विश्वास दिम सूहं सू !!  
ज्ञानुँ प्रकाश त्राव हृदयि कुटियाये !  
शिवाय नमुँ ओं नमः शिवाये !!

०

वृषवासन हे त्रिजगथ नाथय !  
मत्तुँ मेशरावतम मे' कुनि सातय !!  
बागवान छु प्रारान चानि दयाये !  
शिवाय नमुँ ओं नमः शिवाये !!

— ० —

## हरि ओं तत सत

महामन्त्र छु यि दिवान मूख्य अनेकथ !

हरि ओं तत सत, हरि ओं तत सत !!

जपान गछ यि मनथुर चटान छुय यि अतुँ-गथ !

हरि ओं तत सत, हरि ओं तत सत !!

०

चटान द्वख यि मनथुर छु कासान गॅरीबी !

दिवान स्वख यि मनथुर छु बखशान अमीरी !!

छि अन्ताकरन श्वद गछान यो'द परव न्यथ !

हरि ओं तत सत, हरि ओं तत सत !!

०

द्रव जी ति ये'लि द्राव संसार त्रॅविथ !

लूब, मुह, महलखानुँ, गॅरु-बार त्रॅविथ !!

अॅमि मनतुरन होव दय तस तुँ दयि गथ !

हरि ओं तत सत, हरि ओं तत सत !!

०

ये'लि दीव तंग अॅन्य हरिन्या कशपन !

नालुँमति नार रो'ट प्रहलाद भगतन !!

अॅमी मनतुरन ओ'न नरसिंह ति तो'तनथ !

हरि ओं तत सत, हरि ओं तत सत !!

०



वसुदेव, दिवकी, नंदु गूर, जसुदा !  
जपान ऑस्य यि मनथुर दशरथ कौशल्या !!  
सन्तान बॉनिथ अख छमा केह ल्वकुट कथ !  
हरि ओं तत सत, हरि ओं तत सत !!

○

यिहोय मनथुर गे'योव गूपियाव ति द्वह-रात !  
यिहोय मनथुर सो'र राधायि द्वह तुं रात !!  
अमी मनतुरन को'र सु मो'त गूपियन पथ !  
हरि ओं तत सत, हरि ओं तत सत !!

○

ये'लि ज़न क्रुमन रेंट जंग गज राजस !  
बल गव तुं आश सोरेयि गज राजस !!  
अमी मनतुरन ओ'न दय तो'त चेंकुर ह्यथ !  
हरि ओं तत सत, हरि ओं तत सत !!

○

परि युस यि मनथुर तस दय छु टोठान !  
दिवान संपदा छुस रखान तस छु भगवान !!  
छि बस बागवानस अमी मनतरुच सथ !  
हरि ओं तत सत, हरि ओं तत सत !!

-----○-----

# हे भगवॉनु ! म्यानि व्यनती थव कन

सीतायि हुंन्दि श्री रामुं अज़ व्यनती करय कन थावतम !

रघु वंशिके रघु नंदनय अनुग्रह पनुन अज़ हावतम !!

०

कृपा करान जगतस चुं छुख दयायि हुंद सागर चुं छुख !

दयायि हुंन्ज दृष्टि कॅरिथ संकट निशान म्वकलावतम !!

०

कामन तुं क्रूधन छठ कॅडुंम, लुभन तुं मूहन वठ को'रुम !

वति प्युर अहंकारन को'रुम से'ज़ि वति प्यठन पकनावतम !!

०

त्वकचार सुंय गफलत गॅयम, वुजरस ह्यकथ सूरिथ गॅयम !

व्वन्य छुस वनान चे'य वीलुं ज़ार, ज़ारन चुंकन व्वन्य थावतम !!

०

व्वयशीथ लछ मॅन्ज़िल कॅडिथ यथ मॅन्ज़िलस वातुं नोवथस !

निश फॉल्य गछ्यम यिनुं मनशि दे'ह ये'मि जन्मुं मतुं मदछावतम !!

०

पॉपी, क्वकमीं, धर्महीन राम नावुं सूंत्य कूंत्य तारुं तैर्य !

वालमीकुं सुंद्य पॉट्य आर यिथ भवसागरस मे'ति तारतम !!

०

मायायि चाने ब्रम दितुम लोलुं ग्वड़ चे' चरनन मा दितुम !

द्वख सागरस अमि किन्य फो'दुस अमि मंजुं मे' वो'ठ व्वन्य खारतम !!

○  
मृति लूकुँकिस ज़ालस अंदर कोत'ताम मे' रोज्यम युन-गछुन !  
अमि ज़ालुं मंजुं म्वकलावतम, गलि-गलि मे' अमर्यथ चावतम !!

○  
कोताह छु छोट संसार म्योन छुनुं पोशिवुन गैरु-बार म्योन !  
वस पोशिवुन अख नाव चोन, सुय नाव मनस पोशिनावतम !!

○  
व्यनती मे' छम अन्तिम यिहय ये'लि अंत समयस वातुं बो !  
प्राण नेरवुन श्री रामुं मे' राम-राम जे'वि ह्यवनावतम !!

○  
सौथ तय हरुद वुछ-वुछ मे' ज़ोन न छु सौथ पो'ज़ न छु हरुद  
पो'ज़!

पोशिवुन पनुन सौथकाल मे' बागवानुं चुंय वुछिनावतम !!

-----○-----

# ओं नमो भगवते वासुदेवाये

अनुग्रह छु दयि चोन जायि-जाये

ओं नमो भगवते वासुदेवाये !

जगतस चु रखान छुख करान साये

ओं नमो भगवते वासुदेवाये !!

कौदुक्क्यन कूँद्यन वंधन चुँ चटान

पथर पे'मित्यन क्वछि मंज रटान!

आलव यिम करान चे' लोलुँ माये

ओं नमो भगवते वासुदेवाये !!

ख्यनुँ-ख्यनुँ जन्मस यिम चे' छी गारान

सूहं पॅर्य-पॅर्य छि चे'य छारान !

हावान वथ तिमन छुख दिवान वाये

ओं नमो भगवते वासुदेवाये !!

सिर्यि च्छेन्द्रम बेयि तारख छि प्रजलान

चानि प्रकाशि सूर्य यिम छि ब्रजलान!

पृथ्वी प्रदिख्यन दिवान चानि माये

ओं नमो भगवते वासुदेवाये !!

कालुँ रात्री छुख गटुँ चुँय कासान

ओंकार रूपुँ प्रकाश बासान !

अज्ञानुँ गटुँ कास सोन ति कर पाये

ओं नमो भगवते वासुदेवाये !!

ज्ञानियन पननुय सीर छुख बावान

भगतन चुँ पननुय म्वख हावान!

मूर्ख छि अँस्य तय करतुँ सोन पाये

ओं नमो भगवते वासुदेवाये !!

सर्व शक्तिमान छुख चुँय बँड शखती

ओंरत्यन, सन्तन दिवान मुकती!

आरुँ क्रांत्य प्रारान अँस्य आशाये

ओं नमो भगवते वासुदेवाये !!



हे भगवान् ! छिय लछि वैद्य चैन्य नाव सन्तान रक्षा छु चोनुय भाव !

भगवान् ! रछ असि अँस्य शरन आये ओं नमो भगवते वासुदेवाये !!

दयि दितुँ असि चरनन हुँज्ज ज़ानुँय कौश द्वह दितुँ असि यी दानुँय

ब्रथ चोन न्यथ दरव अँस्य लोलुँ माये ओं नमो भगवते वासुदेवाये !!

समयिक्य नारन तंग अँन्य सौरी ही भगवान् बोज सौन्य ज़ौरी !

नारस गुल्ज़ार करि चोन साये ओं नमो भगवते वासुदेवाये !!

अंदर तुँ न्यवर अन्तर्यौमी प्रथ कुनि लूकुक् छुख चुँ सौमी!

लछि वैद्य वागवान चे' निश ज़ाये ओं नमो भगवते वासुदेवाये !!



# मे' रैट्य चॉन्य पंपोशि पाद

दयि म्यानि दयि गथ हावतम रामो !  
श्यामो मे' रैट्य चॉन्य पंपोशि पाद !!  
होल छुम गोमुत मे' यैच लोल आमो !  
श्यामो मे' रैट्य चॉन्य पंपोशि पाद !!

०

आसय वुँ सोरान द्वह आम लोसान !  
ब्रौटुँ अनि गटि मंज लबुँ कति तार !!  
कुस हावि वथ छुम कति परमुँ दामो !  
श्यामो मे' रैट्य चॉन्य पंपोशि पाद !

०

ब्रमरावनस त्युथ ये'म्य संसारन !  
हारान-हारान हौरिथ गोस !!  
जन्मस मे' हौसिल बस लुकुँ पामी !  
श्यामो मे' रैट्य चॉन्य पंपोशि पाद !!

०

पूर्य-पूर्य थौविम कम महल खानो !  
रुंगुँ मंदोरि क्या गछिनाव्यम !!  
त्रावुँन्य ये'त्य छिम तनि हुँन्य जामो !  
श्यामो मे' रैट्य चॉन्य पंपोशि पाद !!

०

कुस करि अर्थु रो'ट, कुस कस यारो !

सारिनुँय मटि ये'ति पननुय पान !!

मोल-मौज, वोय-वंद छुख चुँय रामो !

श्यामो मे' रँट्य चॉन्य पंपोशि पाद !!

○

राथ यी मे' डेंशम अज़ सुय सो'पुन गव !

अज़ च़लि वे'यि बनि यि सो'पुन पगाह !!

संसार सो'पनुँ माया छु बागवानो !

श्यामो मे' रँट्य चॉन्य पंपोशि पाद !!

○

दयि 'म्यानि दयि गथ हावतम रामो !

श्यामो मे' रँट्य चॉन्य पंपोशि पाद !!

-----○-----

# जय साई राम

प्रथ विजि पर्यंतव जय साई राम !

साई राम, साई राम, जय साई राम !!

विजि-विजि वैन्यतव हे साई राम !

साई राम, साई राम, जय साई राम !!

कष्ट निवारन जय साई राम !

दुष्ट विशक जय साई राम !!

दूर कर कष्ट असि हे साई राम !

साई राम, साई राम, जय साई राम !!

बखती सारिनुंय करतुं प्रदान !

चरनन तल असि रख भगवान !!

भवसर तार दितुं हे साई राम !

साई राम, साई राम, जय साई राम !!

ओसुख तुं वुनि छुख चुंय साई राम !

आसख ति ब्रोंहकुन चुंय साई राम !!

चरनन चान्यन लछ-लछ प्रणाम !

साई राम, साई राम, जय साई राम !!

अनजान सोंरी छि करान पाफ !

चुंय छुख दयालू कर असि माफ !!

कृपा सागर हे साई राम !

साई राम, साई राम, जय साई राम !!

दुखियन दुख छुख दूर करान !

दीनन दीनदयाली रखान !!

असि थव अर्थु प्यठ हे साई राम !

साई राम, साई राम, जय साई राम!!

जगत्तुकि बागुक छुख चुं वागवान !

कुल-कुल, पोश-पोश सगुनावान !!

बागुक छुख निगे'हवान साई राम !

साई राम, साई राम, जय साई राम !!

प्रथ विजि पर्यतव जय साई राम !

साई राम, साई राम, जय साई राम !!





# ये'लि अक्रुरन न्युव मथरायि भगवान

राधायि लोल आमय  
आलम दिवान छुम पामय

श्यामय मे' रूढुख चुँय !  
श्यामय मे' रूढुख चुँय !!

दुष्ट क्या ओस अक्रुर  
न्युवनख चुँ असि निश दूर

वासान मे' छुम सुय चूर !  
को'रनम मे' वदनस सूर !!

मथरायि सोज़य नामय !  
श्यामय मे' रूढुख चुँय !!

मेशरोविथुँय मे' कृष्णो  
थनि चूर ओसुय नाव तय

कवुँ दूर चो'लहम चुँय !  
मनुँ चूर ब्राहम चुँय !!

छारथ वुँ शहरुँ गामय !  
श्यामय मे' रूढुख चुँय !!

त्रावुम मे' श्यामो अख नज़र  
लावि मूरि हरदुँ वावन

छलुँ छांगरे छस दरबदर !  
छम चोनिमुँच में थर-थर !!

लोलन चटनोवुँस जामय !  
श्यामय मे' रूढुख चुँय !!

बूजुम चुँ खेलान गोकुलस  
मथरायि छुख फेरान चुँय

वे'यि वख्ति हृदयस मंज़ !  
छुहम चु मनस मंज़ !!

सोज़य वुँ तूर्य नामय !  
श्यामय मे' रूढुख चुँय !!

हावुन तुँ सीर वावुन  
पज़िहे मे चूरि थावुन

पैज्य पौठय छु रावुँरावुन !  
खैट्य-खैट्य सु ललुँनावुन !!

वोवुम तुँ आम व्वलामय !  
श्यामय मे' रूढुख चुँय !!

-----o-----

# श्री कृष्ण गोविंद हरे मुरारी

मन म्योन राधा कति चे'य छारी !

श्री कृष्ण गोविंद हरे मुरारे !!

चे'य रो'स कुस असि भवसरुं तारी !

श्री कृष्ण गोविंद हरे मुरारी !!

०

दीवकी तूँ वसुदेवस दर्शन दिथ !

पहरुंदार कौंदुक्य थौविथख चे' सौविथ !!

वैसिथ कुलुफ पे'यि फुट्य तति तौरी !

श्री कृष्ण गोविंद हरे मुरारी !!

०

गोकुल ये'लि चे' पान वातुनोवुथ !

जसुदायि निश पान लरि चे'य सोवुथ !!

मंगलाचार गव तति च्वपौरी !

श्री कृष्ण गोविंद हरे मुरारी !!

०

जाहर दिनि आयि पूतना चे'य यामथ !

दामुँ सैत्प्राण तस कैंड्यथस तामथ !!

वयकुंठ सूजथन तूँ कैंरथस यौरी !

श्री कृष्ण गोविंद हरे मुरारी !!

०

चो'तुर वो'ज़ रूप ये'लि छुख दारन !

शंख गदा पंपोश छुख प्रावन !!

हे सुदर्शन जी हे चँकरुँदोरी !

श्री कृष्ण गोविंदा हरे मुरारी !!

०

क्ववजायि लोगुय चंदुन चे' ड्यकस !

श्याम स्वंदरुँ करुँथ चे' कृपा तस !!

चो'लुसस को'ब वनेयि स्वंदर नोरी !

श्री कृष्ण गोविंद हरे मुरारी !!

०

यिम-यिम राख्यस पानुँ चे' मोरिथ !

तिम-तिम भगवानुँ स्वर्गस चे' खोरिथ !!

छिय दयासागर चे' वनान सौरी !

श्री कृष्ण गोविंद हरे मुरारी !!

०

लमान द्रो'पदी गव पलवन दुशासन !

वनान दुर्योधन नंगुँ स्व करुँहन !!

परदुँ चे' को'रथस हे हितकोरी !

श्री कृष्ण गोविंद हरे मुरारी !!

०

राम वौनिथ ओख रावुन चे' मोरुथ !

कृष्ण वौनिथ आखा कनुस चे' मोरुथ !!

नरसिंह ! कैरुथ प्रह्लादस योरी !

श्री कृष्ण गोविंद हरे मुरारी !!

०

राखिसन तूँ दुष्टन नाश चे'य को'रथख !

मुनियन तूँ सन्तन लोल चे'य वो'रथख !!

भगत कैरिथ चे' ख्वश ये'ति सौरी !

श्री कृष्ण गोविंद हरे मुरारी !!

०

युस चे' शरन यियि द्वख तस हरान छुख !

युस चे' परन पे'यी स्वख तस दिवान छुख !!

स्वखुँ सागर छुख हे गिरदौरी !

श्री कृष्ण गोविंद हरे मुरारी !!

०

गोपी छि प्रारान विंदराबनस मंज !

वति-वति छि प्रारान मधुबनस मंज !!

कर यियि यपोर्य सोन संकट हौरी !

श्री कृष्ण गोविन्द हरे मुरारी !!

०

‘बागवान’ प्रारान चानि दयाये !

भावुँ पोश लागान छुय लोलुँ माये !!

आमुत शरन चे'य, छुख हितकारी !

श्री कृष्ण गोविंद हरे मुरारी !!

-----०-----

# ओं जय हनुमान

हे हनुमान ! छुख चुँय ज्ञान सागर !

हे महावीर ! छुख चुँय गदादर !!

.....

चुँ छुख महावीर दुष्टन छुख चुँ मारान !

दयासागर सन्तन छुख चुँ तारान !!

.....

नाव ह्यनुँ चानि संकट गछान दूर !

संकट मोचन तवय चोन नाव मशहूर !!

.....

दयायि प्यठ च़े' छुय ना राम भगवान !

नाव चोन ह्येनुँ गछान मुशिकल छु आसान !!

.....

सिरी सुंद शे'श पवन सुंद छुख चुँ सन्तान !

दिवान दिवता च़े' छिय सौरी स्यठा मान !!

.....

श्री रामस प्यठ बरस प्यठ छुख चुँ रोज़ान !

स्यठा लोलुँ सान हुक्म तैम्यसुँन्द्य चुँ बोज़ान !!

.....

राम जियन च़े' ह्युतुय स्यठा मान !

भरत ह्यू टोठ मे' छुख, वो'ननय हनुमान !!



.....  
हे महावीर ! नाव चोन युस ह्यवान कांह !  
भूत-पिशाच तस निश कति दरान कांह !!

.....  
वैखुंत्य चोन रामुं चेंन्दरस छु प्रावान !  
तैमिस निशि वातनुंच छुख वथ चुं हावान !!

.....  
सु तुलसी दास जी चें'य नियोधन !  
पंचवैटी चंदुन गहनस थव्योधन !!

.....  
सीता, रामजी, लक्ष्मण तो'तुंय आय !  
को'रुख ट्यो'क तुं महाकवियस बैरुंख माय !!

.....  
रामदूत वैन्थि लंकायि मंज च़ाख !  
सूखिम रूपुं किन्य सीतायि निश आख !!

.....  
विकट रूपुं चानि लंकायि गव सूर !  
वुछिथ भीम रूप चोन राख्यस ति चेंल्य दूर !!

.....  
सुगरेवस को'रुथ अनुग्रह चें' यामथ !  
दयि दर्शुन बन्योस बे'यि राज तामथ !!

.....  
संजीवनी बाल ह्यथ आख वुडौनी !

दिचैथ लक्ष्मण जियस नैव ज़िंदगोनी !!

.....

ये'मिस टोटख तैमिस कति भय छु रोज़ान  
म्यहरवान छुय तैमिस श्री राम रोज़ान !!

.....

तैमिस क्या गम ये'मिस रोज़ख सहायक !  
छि कामयोबी तैमिस मेलान बे शख !!

.....

दयालु छुख दया भगतन करान छुख !  
कृपालू छिय वनान कृपा करान छुख !!

.....

महावीरो ! चे' जयकार म्योन बैविनय !  
चान्यन पादि कमलन हुँन्ज़ मे' छम प्रय !!

.....

परन प्योसय शरन चे'य पादनुँय तल !  
महावीरो ! मे' रछतम पादनुँय तल !!

.....

दितम मे' ज्ञान, श्रदाा तु बैखती !  
हे हनुमानुँ ! प्रावनावतम मे' मुकती !!

.....

बागवानस छे' कौचाह आश चोनी !  
प्रारान छुय सु चाने मिहरबोनी !!

-----o-----

## दयस पुछुम

दयि छम गवाह चोनी किताब !  
छुख कुन, छिरूप चोन्य वे हिसाब !!

चुँय शुन्य तुँ चुँय आकाश छुख !  
चुँय सिरिं चुँय प्राकाश छुख !!

सीता चुँ छुख, छुख राम चुँय !  
राधा चुँ छुख, छुम श्याम चुँय !!

शंखस अंदर ओंकार चुँय !  
छुख बांगि मंज इजहार चुँय !!

कवियन अंदर छुख राज चुँय !  
सेतार, सारंग, साज चुँय !!

छुख लूभ चिय लूभुकय अंजाम चिय !  
मोह, मद तुँ वे'यि छुख काम चुँय !!

व्यचार दित चोन लोल चुँय !  
छुख बोय, बंद तय मोल चुँय !!

छुख कर्म करवुन पानुं च़ुंय !

अंजाम कर्मुक पानुं च़ुंय !!

ओसुख ति च़ुंय आसख ति च़ुंय !

बस ज़ौनियन वासख ति च़ुंय !!

दयि म्यानि ! अख जाय हाव च़ुंय !

ये'ति छुख नुं च़ुंय, ये'ति छुख नुं च़ुंय !!

छुख च़ुं सोरुय यी वनान च़ौनी किताव !

वागवानस ते'लि च़ुं पानय वन जवाव !!

कुस सना पौपी करान ये'ति कुस छु पाफ !

दीय वनतम कुस करान ये'ति छुय सवाव !!

कस सना दिख स्वख चु स्वर्गुक !

कस च़ुं दिख नर्कुन अज़ाव !!

-----○-----


Handwritten text, possibly a name or title, written in a cursive script.

200 549



Kashmiri Lal

— 505748.





काशी नाथ बागवान